

黟縣四志卷七

人物志

尚義

汪元鎮號菊人宏村人縣諸生先後授徒漁塘衝及以文家塾多游庠者咸豐乙卯赭寇踞黟五十餘日民不得耕耨北鄉義憤糾集與戰眾寡不敵致遭焚殺甚多元鎮間道馳往甯國哭請鄧紹良兵兼程救援賊走境甯里鄙稱之越五年庚申乃有胡啟璽請兵之事

胡啟璽字玉堂西川人服賈兵燹中設肆本村其時湘軍張運蘭前駐馬埇與之往還嗣克休邑移防而黟有寇警

黟縣四志

卷七

人物

尚義

一

舊徽防兵已潰散民難女生啟璽赴休乞師來援藉以救定爲繪棠蔭圖徵詩紀其事人旣樸誠以提舉銜爲祖父請封如其階孫聯科庚子科舉人

汪聯洪字元治黃陂人贈階見封廕性孝友內聰明而外渾厚精嫻圖法工辨銀色真僞立分在上海創設公估局聯洪綜其事嗣以子國藩繼任之晚尤樂善好施二都至四都道路傾圯獨力捐貲鳩工選石審慎修理道以蕩平行人便之他如修葺祠宇建築橋梁疏濬溝瀆以及救災賑困諸義舉無不慨然欣助焉

舒祖謨字東山城南人事母孝婦違母意遣婦數十年晚



經戚友說合遂復初爲商信義著於皖江保全難民及鄉  
人流落者甚衆江有蘭贈詩比之陸慧曉高文通載三志  
藝文同治初推舉孝廉方正力辭不就子雯見三志補遺  
舒懷勲字堯欽屏山人同知銜見三志選舉兄弟九人懷  
勲行四性純孝見義勇爲凡遇善舉莫不極力贊助同治  
間獨解囊修築本村巷口道路親身督工買於江西玉山  
倡議購造新安會館迭次與修輸貲千餘金光緒間遺囑  
捐造徽州旅櫬所春生支祠遭匪焚燬懷勲於光緒二年  
復創祠宇捐貲甚鉅兄弟嫂姪共二十一口生養死葬及  
姪女輩撫育擇配皆一身任之卒年六十有九鄉黨至今

黟縣四志

卷七

人物 尚義

二

咸稱道焉子二文鈺文鐸均列膠庠孫七長廷沅次廷禮  
聯科舉人餘見科第三廷淇邑廩生

葉自耀字光遠南屏人父瑞訓見三志自耀經商而好瀏  
覽史籍強識舉以誥學子多爲所窘以近村至中墩路失  
修勸人倡首難之乃自出貲董理焉戚友中文行素優者  
自耀每飲助不責報其子壽萱亦能循率先矩興學不懈  
姚勝隆字友朋溪南人捐職州同發箸浙常山多善舉於  
其地不備書在黟捐置料兒窟山業爲義塚貧不能葬者  
助之子嘉全字瑞武能遵父教事親無疾言遠色亦振荒  
於常山浙撫黃常宰羅皆贈有額嘉慶十六年常又游飢



嘉全出米六十餘石銀三百兩濟之又與弟嘉允籌平糶並輸金續振嘉定子成鳳亦爲商於常亦遇歲飢亦復循前平糶兼振焉嘗買幼僕詢知單丁削券遣之重興溪南義塾購書俾族人肄業擇師以誨修橋路施楫送藥畢生以爲常綴程朝儀所爲姚氏三君傳於此

韓文治字心農奇墅人諸生例貢議敘同知能竹上刻字或畫又能爲雙鉤書雙鉤書者古人碑版文字鈎勒上石又曰拓填家本寒素授徒應舉咸豐中游滬遇粵人相友契以鉅貲俾治茶業於徽處境旣裕修復祠宇曠牆闢道爲義塾其右皆獨任焉時內地初通商文治茶業恢張因

黟縣四志

卷七

人物 尚義

三

事偶涉訟罰鍰訢直反其款乃爲人齟無從完璧文治亦甘受之得子晚延師誨導悉成一藝子壽康壽南皆縣學生

孫時泰字星五號西浦古築人附貢生四品職銜其爲人尚義好施剛方厚重諸大節均見三志補遺子五長茂純次茂兆三樹藻四樹椿五變生平義方訓子頗有燕山遺風茂純見藝術樹藻官訓導精醫理五子中變尤著變字理和曲體先人尚義之心修葺族祠開設義學橋梁道路銳意興修如石埭縣陸村居之石橋太平縣綏口之石橋不但捐助重貲而且躬督其役宣統二年邑人勦辦平糶



以父時泰及祖啟熊名輸千金爲之倡不數月竟集貲鉅萬貲金雖出自爨猶時泰志也爨經商漢口起家聲名藉甚提拔同鄉後進不遺餘力尤足多也子樾壬寅副貢孫式道字瞻仁古築人封職見選舉生有異稟至性過人初業儒嗣迫於家計父令赴漢皋改習錢業粵氛猝至避難歸家亂平二次至漢錙銖積累自創錢號遂以起家先人夙負三千金獨力清償不以累弟性樂善好施凡遇災歉必輸鉅貲本村千金塌木橋歲需修理一人任其責每年施棺十餘早或數十具至漢皋代送徽州旅櫬一事式道倡議募巨款以爲基本不辭勞瘁經營數載始觀厥成人尤德之卒年八十有一子二次應台原名懋德工部主事花翎二品銜江蘇候補道

黟縣四志

卷七

人物 尚義

四

孫大綱字建堂古築人贈階見三志選舉性寬厚質直好義律己儉而嚴片紙寸縑不肯棄置必適其用至義所當爲耗巨金不稍惜古築至光村及鮑家林道路傾圯獨力重修復築塋八十餘丈行人便之他若捐義塚瘞白骨施藥濟貧善舉尤多晚年家中落遇公益猶竭蹶赴之鄉里稱其德卒年八十四歲子四長樹模邑庠生次光祖見藝術三樹昌附貢生四品封職四樹暄昌尤知名別有傳江鏞字序堂沙谿人幼貧而孝商於粵稍裕性樂善建彭



田谿橋置上大山義塚族中孝女江氏望日請旌附建總坊孝女歿捐地葬之世爲祭掃倡建宗祠浙撫李贈締造功宏額以子允康階封資政大夫子允康允中孫慶模慶楷皆見今舊志祀碧陽書院崇教祠

湯大本字惟中立川人寄居五都田段家貧性至孝舌耕養親品行端方遇有爭鬥經其排解無不翕服村中數十年無訟事同治初村有惡少年合村惡之深集議於高京地方欲掘穴埋之始懼求救大本親書保據全其生命並給貲本俾營生活厥後化頑爲善其感人之深如此卒年八十有二歲子懋燮孫良道邑庠生

黟縣四志

卷七

人物 尚義

五

王安森字涵三百戶人八歲喪父事母孝業儒口誦心慈自甘儉樸與江廷鳳交在師友之間相規相勸嗜行善事修橋築路掩骼埋胔獨建豐家半嶺亭施茶送雨具篝燈寒贈棉衣輸岡字號地一片爲義塚惟恐人知四鄉有遭回祿者臨災地隱以濟貧每年清明前後巡視孤墳被獸穴洞倩工填塞之

戴吉先名嘉迪以字行際村人捐職州同父裕俊孝友醇謹尚義樂施崇祀彰善祠吉先繼父志宗族親舊不足者咸贍給之其尤貧者爲營婚嫁埋葬鄰有孤孀汪氏江氏不能存活月給錢米至其遺孤成立始已石埭鴨脚嶺爲



黟太往來要道嶺南路尤險峻獨力修治石梯平坦不立碑記在蕪湖捐貲助建新安會館及剏同善堂爲同鄉養疾及停柩之所同村黃榮清少家貧爲吉先備後改習武登科通顯吉先實掖成之

吳家修字廷獻際村人監生贈階見選舉父瑞鴻見三志質行傳生平質直排難解紛不避勞怨與黃慶鴻剏樂善會掩骼施棺集資積累歷數十年孳息寢厚迄今村中興辦公益如道路義塚等事多藉挹注又置田輸入家廟以供春秋祭祀遇弟姪極有恩子發煥見本志發元好義樂施事兩兄怡愛推財急難瞻見終其身諸孫中寶鑑見選

黟縣四志

卷七

人物 尙義

六

舉仕宦

汪汝雯字次顏雷岡人恩貢生成同間軍興在分局襄辦練餉頗著勞績嘗與人合資貨殖經理人侵蝕殆盡汝雯憐其窮老卽取簿註銷不責償所負他股不肯竟因勒索釀成人命人共服汝雯之先見而尤歎其慷慨善教子弟有姪游蕩廢業多方啟迪納諸正軌並爲婚娶董辦公事與宰官從無私謁寧鄉梅錦源領兵過黟時極欽重汝雯品學後梅守徽郡數遣信使禮問爲文尙高華惜散佚無存

韓家合字蘭契奇墅人監生好施與凡義舉靡不襄成恤



蔡濟困出資而隱其名子宗伯字香圃縣諸生能繼父志  
倡修宗祠及水口石橋遇事爲人排解人德之贈階見封  
蔭

余邦杰字慶亭雙溪人監生性和靄樂與人爲善家不中  
貲力所能爲無不爲之支祠年久傾圮集資重建獨任其  
難暮年祠成節婦余邦發之妻吳氏乏嗣常慮宗祀無依  
杰勸其捐貲附入祀會歲時祭掃焉其他修橋造路族中  
善舉悉與焉

余達字爾達雙溪人職監家本饒裕少從叔菴賈於上海  
慷慨好施千金不吝戚黨之仰其衣食者不可勝計道光

黟縣四志

卷七

人物 尚義

七

年間華洋通商凡至上海營業者達力爲保荐間有不善  
營業耗資負貸者達爲代償不責署券一時有小孟嘗之  
目

余光煥字西谷雙溪人職監勇於爲義不厚自封殖作買  
廣信獨捐鉅貲建徽國文公祠前楹並購店屋以租息爲  
春秋祭祀之需凡同鄉之無業者代爲謀事或給資令歸  
不少吝惜積資數千賑恤孤貧盡耗無存歿之日哭臨者  
途爲之塞廣信士商至今譽之

余邦輝字達三雙溪人監生性剛直尚任俠不畏強禦不  
侮鯨寡居鄉解紛息爭據理開陳人皆樂於聽受族中頸



頭橋支祠祀會集捐鉅貲以爲歲修祭祀等用其交遊如汪文潤汪昭霽皆一時知名之士

汪守寬字履之黃陂人候選按察司經歷幼失怙恃長善懋遷性和而介排難解紛遇有因錢相競者爲傾囊兩息之同治間運米過祁門值餉急乃盡以米助軍實其慷慨有足多者

余笏字政平規溪人性孝友與人交有肝膽商於浙江與候補同知余辛伯最契咸豐庚申粵匪將陷杭城城閉難民麇集江干錢唐江又封不得渡笏計假公差船以濟之脫險者甚衆後余辛伯卒於湖北雜瘞叢塚間笏尋訪數

黟縣四志

卷七

人物 尚義

八

年始得之爲請於官貲歸其柩始獲安葬其尚義類如此黃祥喜楊迎橋人六歲喪母九歲喪父賴祖母王氏撫養成立祥喜孝事亦甚至祖母歿哀痛逾常葬祭盡禮性淡泊家貧躬耕自給然勇於赴義嘗節衣食資創立族中祀會修葺道路橋梁有識者稱爲一鄉善士焉

項登社榆村人幼貧懋遷江西性勤儉交友以義與同縣石屏鄭姓雙溪余姓合設商業同治三年粵寇突至各分金歇業他避而余金於半途盡爲寇掠登社慨以己金分予其半恢復舊業且加拓焉人頗難之

項紹裘字麟徵榆村人少聰讀書敏捷父賈於六安西鄙



金家寨因隨侍焉未幾主持商業金家寨地界豫鄂匪徒雜處光緒戊戌歲歉斗米千錢市僧欲屯積居奇勢凶凶將激變紹裘急集紳耆議平糶以抑米價首捐米二十石畧仿社倉遺法手訂規約切實舉行全市得以無患嗣納貲爲候補府經歷分發江甯旋歸卒於家

江雲翔字爾臧捐職州同弟雲林字秀庭捐職理問際村人父必達祀崇教祠贈階見三志選舉雲翔兄弟俱敦睦好義兩兄早逝乏嗣各以長子爲之後咸同兵劫後與韓文治掩埋骸骨歲親祭掃助修奇墅萬年橋事載三志約鄉耆葺忠孝社築溪隄二十餘丈獨修北莊嶺大路數里

黟縣四志

卷七

人物 尚義

九

雲林親臨督工不辭勞瘁村中公益如樂善水龍諸會均捐貲贊成偕族兄雲路重修宗譜世系犁然又培祖塋葬木主並輸田入會爲祀產宗祠年久傾壞雲林正籌興修未及而卒雲翔因出巨貲鳩工庀材以成之遇親族戚故皆有恩鄉里至今稱之

汪培基字必塋奇墅翰苑人天性孝友見義勇爲宗祠傾圮捐貲獨修又於祠旁剏造書院爲族人講學之所鄰有兩孤家俱貧先後提挈使就商業並資給其家至能自立始已當時汪氏子弟由培基掖成者率十居七八云  
李嵩一名希嵩字仰之案台山人建梁之曾孫也六歲喪



父析產能讓家被兵後甚貧鬻服賈起家李氏族居案台  
山歷二百餘年始祖德鵬尙無遺像鬻爲之繪畫裝治並  
立祀會修理族祠村前大路上通羊棧嶺下通西武嶺疊  
經修治兼造村中石路興濬水利族人至今稱之年七十  
無疾而終子肇柏見質行

江元慶字萬邦梧村人幼隨父商於皖後粵匪踞皖避歸  
力田以養親李宗燭貧時其父與之至契命往隨宗燭負  
販於青陽一帶繼復佐其創業於和悅州家因稍裕捐貲  
造壩塌與本村山後大路又捐造青陽縣將軍廟凡施棺  
修橋諸善舉無不竭力爲之

黟縣四志

卷七

人物 尚義

十

江元長係元慶弟也遵兄訓樂善好義獨力修造許干段  
大路族祖墓近大溪與族人合力築石塋以護之

汪廷琛字昆甫碧山人監生性至孝服賈於浙江之華埠  
每逢歲暮有窮困者解囊助之又常不惜重貲合藥施送  
其利物濟世有如此者配姚氏城東姚國儀之妹以賢稱  
李林選字智和案台山人貢生父肇榮爲善好義林選克  
繼父志族中有女嫁塌口汪金良者于歸纔數歲夫歿守  
節翁姑先逝又無服親林選歲資錢米死後送祀節孝祠  
又有乞婦斃於村東里許路旁爲之捐棺殮埋且囑家人  
歲一祀焉生平公正村有競爭輒邀同兩造並集鄰村紳



矜於社廟而理解之人亦翕服

李宗煥字輝亭五都垵上人其父與舒祖謨同一商肆皖銅之間咸豐中兵陷安慶沿江皆被擾或久踞祖謨於荷葉洲設小營業宗煥往依之祖謨試以勞苦能億中資稍裕因別立肆同治丙寅間兩淮鹺務驗費認岸浸昌大肯爲善尊敬耆儒延師訓子培植寒畯以千金助復本邑碧陽書院鉅萬修築銅陵縣石圩江壩巡撫奏旌傳旨嘉獎蓋是時宗煥已捐職道員分發江蘇子英元亦以縣學生捐職郎中分部學習矣禮請許懋和在其典申日誨以古賢懿行數端宗煥漸知文義能閱史冊雅慕王文成於本邑先輩則訪問胡尙燊善舉力求進步鄉里孀嫠月致錢米終其世葉新第感之至易字爲念亭云

論曰于公陰德有如耳鳴言爲善不欲人知也叔世行誼求合前哲雖涉振矜總愈於守錢者矣宗煥逝其長子亦喪家浸落凡談近數十年尙義者未嘗不歎思之也

金起本字德培號心栽鍾山人捐職州同銜加級請封爲人質直好義力所能及之事無不勇爲獨力捐造浙江遂安縣筆架嶺及沂陽永樂梅水屯衍昌等處大路共數十里咸同間粵氛擾浙遂常交界屍骸遍野德培親率粗工四人助施薄榘繼以杉板沿途掩埋向善之心無論本省



外省不分畛域浙人常稱頌之卒年七十歲

孫希祖字守卿古築人廣西慶遠府知府士梧第八子也少失怙恃賴經商以自立慷慨好義咸同間本邑遭兵燹歲不登希祖時在江西發米百石助賑鄉里稱惠族有善舉毅然自任待子姪嚴遇有志者必極力培植族人景瀛孤苦難以自給得希祖飲助卒捷賢書高祖窳窳因子孫衆多舉辦不易希祖委曲周旋始得安葬子一景榮見孝友

孫式達字道五古築人捐職按察司照磨幼失怙家貧經商不遠出以孝聞母歿喪葬盡禮咸同間粵氛徧東南式

黟縣四志

卷七

人物 尚義

十一

達在祁門卒鹽米業親見難民麇集興辦同仁通濟兩局發賑公米粟不足以己粟繼之然全活雖衆而道殣仍相望並募棺數百具掩埋之生平敬宗睦族輕財仗義晚年復創議集貲重建支祠工程甚鉅祠成以督工過勞致疾尋卒年七十四歲

舒鳳翔字棲庭屏山人性伉爽好義兄弟六人友愛最篤家故窘以米業自立事畜稍裕遇有困乏者量予周卹支祠高閉崇墉氣象宏偉咸豐間粵匪竄黟時門樓被燬獨力繕修之經理祀會維持之力尤多子二次殿衡邑庠生接理祀會一介不苟頗有父風



葉勲字克勤南屏人見封廕性好義祖有合業在休寧之萬安街嗣因人事不協毅然讓之別自營創粵匪蹂躪萬安募勇練團身先殺賊族中有鬻子者爲贖之外戚有貧乏者爲養之收撫流離失所之孩掩埋暴露無棺之骨節衣省食卹貧施粥缺時妻孫氏助以織紉同治初寇甫平改貿江西之河口鎮排難解紛見義勇爲聲望益著晚年猶以設法調濟諄諄誠兒孫焉

胡朝金字御亭陳閩人幼貧採薪爲生九歲始就傅旋赴江西河口鎮習商業勤慎誠樸由學徒以迄經理數十年未易他肆其爲居停所信任如此性樂善母九旬壽辰奉

黟縣四志

卷七

人物 尚義

十三

母命節筵資以輸祀會至修宗祠組文會治道途或捐貲首倡或見義勇爲人爭稱之若其家庭之中壹以節儉爲本不令後輩稍涉奢侈也卒年八十有二

姚嘉長字明遠環山人其先居西城外雙溪南質直聰敏服賈浙江之建德慎勤廉儉見善必爲黟界建德有雞頭嶺路崎嶇倡修之勸捐貲助嶺成行人便之子成盈別有傳

姚成盈字松青號壽齡幼穎悟年十二隨父建德習商質行如父時當粵逆擾亂成盈勤業不輟亂平歸家捐金及購米以賑鄉之貧乏無德色迨家豐裕尤樂善好施去卒



年七十有九

范崇松字夢徵江柏山人監生五品封職性純篤樂善好施資於江西之貴谿縣同鄉有某氏婦夫亡子幼貧不能歸崇松貲以送之並其孤子之養學各費竭力欣助至鄉中有以姻事告乏者必如其願同治二年貴谿城圯捐金督工速而且固匪至得保無虞大吏嘉其勞獎以縣丞補用

姚振鍾雙溪南人浙江試用縣丞封職見封廕經商於湖北之漢口鎮見義勇爲在漢創辦篤誼堂以聯鄉誼又於邑之五通殿購地若干畝輸作義塚生平行事鄉望允孚

黟縣四志

卷七

人物 尚義

十四

子聯達見孝友

黃慶麟字遠卿號小璩黃村人見科第生平樂善好施送藥助榫歲以爲常修葺宗祠及村中水口慨助貲金至修造村口茅岡嶺大路經費且獨任之爲人公正排難解紛族人翁服庚寅重游泮水子鴻翥增貢生前署宿松縣訓導

吳永洋字位東橫岡人性孝友勇於爲義嘗倡造敬德敬義二支祠勤督厥工光緒間六都下段水道淤塞荒蕪已久力爲疏濬灌溉田數百畝盡成沃壤又籌辦至德社會以濟族之貧乏者年屆八十安徽巡撫馮親題白嶽耆英



匾額贈之

江元魁字斗南石屏江村人監生州同銜兄勲主持家政魁賈於廣信無私財見義必爲合建支祠置義塚造環溪書舍培植子弟甚衆鄉鄰稱賢聲施至今

朱汝霖字作卿紫陽里人慷慨能顧大局自備資斧帶勇剿賊得保藍翎理問銜候補縣丞分發浙江他如掩埋枯骨捐助蔴榨義塚排難解紛悉盡心力好吟咏工丹青著有三省齋詩鈔

朱汝鹽字鼎卿紫陽里人朱鏡蓉第五子年幼喪父事母孝家中落儉以持躬遇親友緩急時復飲助之病革悉檢

黔縣四志

卷七

人物 尚義

十五

貨券焚之

趙有貴字鈺堂屏山人幼孤貧隨母賃舂餬口稍長習商旋赴屯溪學錫鑛業錫鑛者儲茶之器徽茶爲歐美所貴重而屯溪又徽茶聚滙之地故錫鑛業頗盛有貴銖積寸累遂開專號家稱小康宗祠年久傾圮獨力修葺其他公益不吝貲財人以是多之

程上進字翼如桂林人在休甯上溪口集貲創辦登善集收旅櫬代爲安葬事垂廿載年及七旬尙徒步跋涉募款至數千金來往盤費均係自備於民國七年逝世彌留之際遺命其子將該集所收旅櫬及一切財產移交本處分



事務所接收當經議訂規條函請 縣公署立案本年分  
事務所董事汪頌榮與會長汪德光副會長曹維屏函請  
獎給縣知事吳給急公好義四字匾額以旌其勞

王仁宅字道南中百戶人國學生經商起家事父母以孝  
聞性聰敏工書法善堪輿尤精岐黃與余毓祥俞正燮相  
友善晚年退養在家不僅醫活多人且送貧者以藥金他  
如興學撫孤棺殮掩埋婚娶養贍等善舉無不量力貲助  
村之前後左右通衢大路獨力營造建本村石橋造世德  
堂支祠皆輸鉅貲歿年八十有二

吳長嶠字子青橫岡人州同職銜五品封典宣統二年皖

黟縣四志

卷七

人物 尚義

十六

北災捐助棉衣千襲皖撫朱會同兩江總督奏准在原籍  
地方建坊給予樂善好施字樣

余邦朝字國華五都余村人監生選用鹽大使商於滬家  
焉樂善敦義公推爲徽甯會館董事咸豐癸丑庚申間滬  
兩遇寇亂癸丑適吾黟值年邦朝奮不顧家駐館董事一  
切無倦容無難色館旁丙舍寄厝同鄉旅櫬數以千計賊  
至縱火意圖掠貲急率堂丁奮力撲滅僅毀堂屋構得無  
恙嗣集兩郡董事擇地瘞之立石標識同鄉感頌弗衰性  
慷慨好施及周卹貧寒無吝色

余世鏊字際昌城西人性坦易無物我之見期親某析產



幾至涉訟慨以己產讓之得解粵匪踞石太難民避亂來  
夥捐資設粥廠於廣安寺以拯其飢各鄉聞風興起至活  
甚衆

余壽山一名光奎城西人幼業建德義甯茶務默察祁茶  
香味絕佳乃游說資本家在祁製茶宗兄育之可其議授  
以貲壽山悉心規畫果投外人所好迄今祁茶名於世界  
者壽山有功焉晚年捐布理閭加級請三代三品封典  
余大慶字積堂城西人江西試用縣丞性耿直好施與同  
治癸亥兵荒出資赴江西運米接濟每斗減原價百文地  
方善舉捐助最多曾文正公駙祁札委赴甯太採辦軍米

黟縣四志

卷七

人物 尚義

十七

嗣又委辦本邑團防保加五品銜歸本班儘先卽補以母  
老不赴差

余開禧字茂春城西人事母孝母有所欲先意承志弟開  
尉字克誠事親長敬謹賈於江西光緒甲申江西水兄弟  
出米穀濟衆庚子夥饑又運米回鄉平糶鍾山金姓火災  
無衣食者十餘家捐金以賑

李錫祿字壽眉鼎石臺人邑庠生性古樸寡言笑父早喪  
母性嚴厲向有合股店業在江西浮梁縣之倒湖父逝後  
精業維持仍見興旺當病篤將人欠債券交還各債戶其  
重義如此平日鄰里孤寡貧苦及喪葬力所能爲贊助不



辭子庭瑞能繼其志

舒之翔字麗生之翰二弟幼而岐嶷讀書過目成誦咸豐間粵匪之亂奉父母避於湖北之孔壠鎮寄寓焉凡編保甲設鄉團緝匪設防規畫有條境地以安兵燹之餘饑饉洊臻因創設平糶疏濬溝渠以功得保知府分省補用志甘淡泊不樂仕進遇有公益當仁不讓如建橋梁積倉穀築堤壩設義塾散棉衣送棺木施茶捨藥排難解紛凡所措辦義所當爲莫不盡力子龍夔歷任江西甘肅直隸各縣知縣

歐陽萱字瑞庭歐村人國學生恬特早失商於蘇之溧陽

黟縣四志

卷七

人物 尚義

十六

既冠集資創業每至夜分究心文字及音韻諸書遇能詩儒士拈題分詠唱和不休溧陽知縣李超瓊吳恒及教諭洪承煦均引爲知己新安會館義塚地年久業失被溧勢豪侵佔訴訟無效萱出而維持申其事于鎮江郡守及總督沈文肅公廼獲業歸原主同鄉德之推爲首事重建徽國文公祠宇凡屬重要力任其難理會館十有餘年一介不取人服其廉明精幹歿之日鄉人士晉其主位於六邑之彰義祠焉善堪輿孟洵御醫馬文植耳其名延之至爲相陰陽二宅契好尤厚晚年在家編修宗譜待梓與子姪論詩按律深細一字不苟有靜安詩稿存於家



李彬彥字子迪霞坦人議敘鹽運司知事慷慨好義道光  
郡修文廟助千金平居禮賢好士獎勵人才以故座客常  
滿設義塾多所課族黨孤寒子弟咸豐時福建汀漳龍道  
徐榮皖南總鎮江長貴駐兵漁亭屢爲籌防轉餉勞苦數  
年歷保弗受徐榮殉難於其材喪殮一手綜理遊楚北值  
捻匪亂途中見避難者窮苦流離之狀罄資分與至於匱  
乏不悔有妹適休寧進士吳紹正紹正未達時家貧資其  
膏火兵亂招其寄家於楚爲治裝應京兆試旋成進士宰  
浙江蘭溪縣主碧陽書院講席賴其成就者也

舒君淦字劍夫屏山人忠厚性成待人和恕行事不苟兄

黟縣四志

卷七

人物 尚義

十九

嫂早逝撫姪如子教養及長爲之授室支祠損壞經費浩  
繁解囊貲助勸捐修葺秉公任勞凡有公益隨時行之經  
久不忘

胡思正字允中橫岡人從九品銜少孤貧事生母繼母恪  
盡孝道從師三月遂學賈私自專精及壯通經史以商業  
勤儉起家居鄉友弟卹親敬宗睦族倡首捐貲維持社會  
掩骼埋胔見義必爲光緒十七年捐造六都石路自楊村  
口至坎下塆一百九十餘丈十八年又捐修坎下塆至漆  
燈柁石路一百八十餘丈耄老督工寒暑無間歿後路壞  
其長子輔清屢次重修以繼父志



余燦文字繡章立川人質直好義排難解紛遇有道途傾圮無不竭力修理如道光七年沿城自臨章門至迎靄門外石路二十二年立川井林亭一帶石路又榆村至上鹽鋪石路皆傾囊助貲無吝色行人咸頌德焉曩經商浙省往蘇置貨一路關卡苛索竊恨之適與同舟客談及客勸稟請大憲禁止舟抵浙埠具詞赴撫轅稟訴時浙撫爲阮文達公得稟大怒命將浙屬卡員盡撤以懲之自是商旅少紓事後乃知同舟客卽文達公父也其見義勇爲類如此

葉賞鉞字承烈南屏人營布業於江西爲人誠實商界信

黟縣四志

卷七

人物 尚義

二十

孚碧陽書院復興慷慨樂輸邑侯屈於光緒二年詳奉何府憲賞給惠被士林匾額

韓慶琛字錫予韓村人國學生重厚樸誠族有祠倉歲久經理鮮當竭力維持始復原狀調貧乏助婚娶族人賢之  
子光暄州同銜

余錫字士榮五都雙溪余村人質直好義處事周詳交友誠信營業上海將五十年凡滬上我徽公益之事力盡義務歷十餘載如一日晚年建厦置田凡遇善舉尤爲踴躍鄉人稱道弗衰卒年六十有七

李元榜字範臣李村人邑庠生設塾授徒寒畯子弟不計



脩脯鄰里忿爭力爲排解或一日數起修理支祠獨任其難本村文會原十二村公立歲久費糜浸將廢墜榜不避嫌怨整會規節冗費以善其後人以爲難

歐陽茂字振如歐村人國學生性平直與弟蕃修理宗祠力任巨款遇事勇爲知外科施藥療人無算邑令屈承福月講鄉約公推爲約正有土名荷村龍字號義塚山宗人魑賣茂力爭稟縣保存鄉里德之

胡臻松字慎之瑞村人國學生道光時宗祠被燬僅一頽垣松勉爲其難先輸多金謀諸衆而建之祠成編歷代木主供於祠中族稱難能焉

黟縣四志

卷七

人物 尚義

三十一

余增祥字雲峰城西人五品封職孝親篤友忠信誠實經理典業四十餘年爲居停所信任母早故兄弟五人長三四相繼去世家務一身支持父逝殯葬盡禮爲岳母王氏報請節孝在浙江杭州創立六邑同鄉會修造徽州會館衆望所歸至周卹鄉鄰提攜親戚爲五弟完婚及地方善舉無不極力助之

余國泰字壽芝城西人邑武生家貧經商致富慈善爲懷凡矜孤恤寡修路施藥諸義舉皆慨捐鉅金無吝色人多義之

葉曉春字見三雙溪南人幼從王日光暨俞正禧學久困



童試援例捐兵部郎中銜慷慨好施與光緒初捐置文廟祭器光緒庚寅秋撫部院裕獎額曰禮器復興凡師友後嗣力爲匡助

汪華鈺字璧明宏村人性剛直嫉惡如仇面折人過惡人亦憚而銜之然澆風賴以稍挽遇善舉不避嫌怨竭力爲之如倡建雷岡義舍籌辦積穀修葺祠築河堤置義塚睢陽亭外木橋與汪必枝各捐洋貳百元立鈺卿橋會爲常年修理費議修四志首捐經費洋百元卒年七十八迄今村人咸思之餘見封廕

舒廉字效曾屏山人監生五品銜孝事父母能得其歡初

黟縣四志

卷七

人物 尚義

三二

貿於浙江遂安局小未展所長後商於江西景德鎮二十餘年爲同事所倚重積貲頗裕生平慷慨遇困難必拯之有江媪者携子行乞誥其何不令子謀生媪以無人提挈對廉卽爲謀生理母子得免爲乞其尚義多類此子四長德祥五品藍翎經理典業人咸仰其謹飭性慈善有父風舒村水口廟宇連楹內有汪公廟年久傾圮德祥獨力重造在族中排難解紛不徧不倚人亦稱其平允焉

舒法甲字先庚屏山人幼孤貧習商業於江西之九江該地爲通商巨埠法甲先營錢土業稍積餘貲自行創業日夕勤勞信用漸著埠商推爲商會協理居間排解事無不



諧嗣舉爲商會會長連任數次名譽噪於長江性慷慨揮財不惜然名譽信用頗受損五十初度官場及親友祝壽者至集移答謝之筵資洋一千元送助華洋北直義賑會以惠災黎其好義有足多者

黃美渭字興周黃村人五品銜性好施與鄰里匱乏有求必給不能償者輒焚其券且不居其名幼時父爲鹽典商家頗饒裕有戚汪某貸公款頗巨浼渭父作保會匪寇之亂汪某貧極渭念信用所關謀於兄弟代還之其輕財好義如此

林道宏字得暉漳溪人五品封職幼習賈販茶粵省多次

黟縣四志

卷七

人物 尙義

三三

皆稱職嗣復營業於江西祁門等處均嗇於運未展其才性孝友好義兼有勇力咸豐間粵匪寇黟屢集鄉團族衆以與抗拒匪不敢逞亂平後訪查族中殉難婦女及罵賊捐軀者彙案呈准旌表如例至於修理宗祠建造亭宇諸善舉嘗傾囊不稍吝鄉里賢之晚年與人合貲營染坊業於縣城北街強健猶昔卒年七十有八子履平繼其業吳翥字子敬橫岡人狀貌魁偉慷慨負大志寡言笑重然諾有季布風業絲商於上海兼充英怡和公司買辦中外商人咸倚重焉生平慷慨好義所舉必大者遠者獨力任之光緒末嘗於江蘇無錫縣捐六萬金建鋼橋名曰吳橋



以姓誌也無錫人感其德祀諸該縣尊賢祠以相尸祝邑石山挹秀石橋傾圯乃捐一萬二千餘金修造並建亭於橋之東端名曰吳翥亭以名誌也又捐二千餘金建延壽亭十二於本區以爲商農憩息之所並捐田數畝爲各亭歲修費鄉中學多設祠中校舍每虞不敷親履各地擇面積之廣者捐二萬餘金建築廣大校舍興辦敬業小學校縣修四志慨輸刊費他如籌備植桑收繭費年數百金皆本慈善之忱爲濟貧之舉歲辦公益費亦頗不貲卒年四十二人多惜之

論曰聞吳翥籌建無錫鋼橋與工程師訂議時計價六萬

黟縣四志

卷七

人物 尚義

三十四

金後歐戰事起工料騰貴一倍有餘地方紳士勸其改造洋式木橋兩座可贏餘四萬金翥婉謝曰議定而悔如信用何且造橋善舉也於善舉中而自利焉訴諸良心亦不之許不敢聞命卒如前議嗚呼充是心也孚豚魚格神鬼可也宜其信用著於中西云

葉壽萱字堅吾號詎齋南屏人邑庠生性孝友寬厚待人質直好義業儒長承父命服賈休寧萬安父歿居喪如禮以諸兄外貿復理儒業入邑庠後購地於南屏山之麓耕且讀提倡實業手植茶桑梓栗千餘株光緒乙巳就學上海理化學堂益究農業歲飢族議積穀捐貲助之且董其



事會計悉當辛亥秋組織南屏體育自強隊適有流匪羅某等假招撫名思擾黔壽萱邀集同志整隊於石山得以消弭幾先生平熱心教育恢復族中私立南陽初等小學歲費獨力支持積三年族子弟及鄰村之就學者先後計二百餘人今稱五區私立第一國民學校者是也大吏嘉之呈獎一等銀質嘉祥章竟以校務積勞卒年僅四十有三疾亟時手檢某氏質屋券還之消除其債務人以爲難林世昌字翰香漳溪人生未彌月遭粵寇亂父遇害賴母懷抱以存及長事母至孝奉養寡孀及孀之遺孤撫恤周至獨力購地葬祖首創重修支祠及修葺合源泉路鄉里黔縣四志

卷七

人物 尚義

三五

稱之

王定國字幹山莠村人性質樸謹言慎行營業於南京水西門外三十餘年常爲地方所推重初南京寇靖後尸骸遍野集貲督工掩埋不辭勞頓凡遇我徽公益必力爲之晚年家居賑困周親及修葺祠宇捐築橋路尤爲踴躍平口嚴於交遊與余君桂芬余君石舟胡君蔭吾最相友愛卒年五十有六

許廷佐字良輔南屏胡村廟高陽舊里人幼家貧入蒙塾不怠年甫十二遠貿通州習典業生平勤儉成性家稱小康年老歸鄉慈善爲懷修宗祠立祀會貧者給米炭死者



助棺木從無吝色九十壽辰興國州王太史鳳池題贈美  
意延年匾額享壽九十有六臨終檢取友人借券盡焚之  
葉賞清字鏡泉南屏人花翎運同銜贈朝議大夫以商起  
家少孤遭亂貧窶萬分以豆作飯雜野菜而炊之事母盡  
孝母病衣不解帶者數月鄉里稱之兄先卒撫其姪猶已  
子教之成立晚年在蘄水營業致富喜施與周貧恤窮隨  
量而施蘄水同仁堂九思堂養濟孤兒等院俱由其提倡  
維持經久不敝云子自忠縣學生員能繼其志賞清以宣  
統二年卒又八年自忠卒鄉里今稱爲長者

程宏弼字堯丞別號樵雲山人城中淮渠人家貧性孝友

黟縣四志

卷七

人物 尚義

三六

侷儻不羣初習儒繼奉父命改業商於浙江後乃至上海  
與友合開中西藥房各省分號林立皆其手創爲人好學  
尚義凡遇善舉公益首先捐款以爲倡修葺宗祠輸貲獨  
多並命其子立以三千金購祠畔隙地造作享堂以護之  
視姪如子栽培不惜鉅貲晚年徜徉詩酒與滬上諸名流  
聯吟結社著有叔餘吟若干卷又寫樵雲圖以見志徵題  
成軸卒年六十五子立升同知府歷任直隸湖北及海屬  
鹽場各知事調補陝西省會警察廳廳長

胡士誥字明瑞橫岡人性好施平生所依散者以鉅萬計  
如立學校以植才設醫館以療軍叛設閱報室以牖民智



葺先祠以篤宗誼皆不憚解囊先輸尤難能者辛亥之役九江居長江之衝市人惶駭多遁匿交易將絕士誥慨然曰軍集而無市易必擾且饑精何出奈何弗爲之計乃獨起通運貨財市人稍稍有固志至兵者嘉其能命總泉幣通轉者期年舉市熙熙然及卒九江黃巽爲作傳擬之鄭商人弦高云

胡樹勳字駿卿橫岡人附生父友茅慷慨好施胡氏重建太常公統宗祠與族人胡希蓮首捐千金以爲之倡樹勳幼秉庭訓孳孳爲善自奉甚儉至濟貧恤匱不問家之有無在里中獨創貧民學堂書籍紙筆皆給之省視學至黟

黟縣四志

卷七

人物 尚義

二十七

查察者咸稱譽以爲罕觀

汪律字和聲十都翰苑人宅心孝友秉性肫誠與人同財不較錙銖深得鮑叔遺風生平好與文人學士交愛詩書耽風雅無市鬻氣工行草書筆力遒勁兼精通堪輿之學遇有善舉勞怨不辭如修理宗祠書舍任事必以身先族有幼孤者解囊爲謀教養族有絕嗣者捐貲爲立祀產他若倡修規川大溪橋路植柳道旁蔭及行路樂善好施不勝枚舉子謙碧陽高等小學畢業生

韓國儀字鳳翔奇墅人幼聰穎師事族叔文治極賞識之然家貧不能讀書後隨叔經營茶業 逝後初爲李宗耀



聘請畀以九江錢業及大通鹽務經理旋入徐州兵備道  
沈守謙幕光緒甲午河決徐屬附近一帶水災道署募款  
委赴各處散賑不敷數解囊助之以勞績奏保縣丞分發  
江蘇試用並賞加五品銜捐請二代五品封典歸家後凡  
遇地方公益事亦復樂善好施予榮恩榮昇

孫正清字靜川二都查關里人性孝友勤儉成家宗祠傾  
圮獨力捐修親族戚友中多賴提攜與黃慶鴻黃鏡青相  
友善每遇善舉踴躍爭先晚年優游鄉里教子課孫年八  
十休甯吏部主事汪述祖題贈水飲青城額九十六歲無  
疾而終子鍾英縣學生以循謹稱精究形家之學並旁通



人物志

文苑

胡有壬號小農西川人元熙次子道光己酉舉人詹事府主簿候選知府爲人沈默寡言篤於風誼精熟國朝掌故歷代治忽天下形勢大臣謚號功績預擬科場試題輒如發覆襄修邑志興復書院能持大體自奉極儉約而隱行拯濟休邑隆阜戴姓道光中富甲一鄉與有壬比隣在還後直訟累家毀以屋質數千金於有壬兵燹後其人孤貧冀售此屋度日有壬念舊舉契付之不取一錢

胡朝賀字藤圃西川人經術湛深文章懋倩與汪登俊程

黟縣四志

卷七

人物 文苑

三六

尚椿聯修月軒會聲問最優己酉選拔己未補乙卯舉人泰孫家鼐湖北督學幕能得士歸里後仍教授門下多獲雋鄉闈者旋主講府紫陽書院士論翕然著有藤圃雜著預修三志第朝贊字搢紳歲貢生性情肫厚學問深純文名爲兄所掩居鄉教授數十年成就甚多里黨欽重

汪承恩字莫階十都人先世以鹽業發著於宜興嗣中落承恩經理復其舊貫劬學敬事者宿從齊彥槐學詩曾刊有摩蘿別墅集與汪文臺文字交程鴻詔爲序其集言兼衆長子彬雯彤雯三志有傳

舒文字國華屏山人附貢生候選儒學父遵勇見前志孝



友天性誠篤撫孤姪如己子以長以教至於成立爲文不尙華麗肆力於經學古文聲華藉甚鄉里宗仰所著文集兵燹遺失孫泰邑庠生現充第四區第一國民學校校長朱麟字理之號友芝紫陽里人邑庠生爲人風雅事親孝兄弟和睦言行謹慎工詩能文著有友芝吟稿

江廷鳳字岐山二都江村人父吉諸生以文無害爲業廷鳳初從胡朝賀學以第一入邑庠後乃執業程鴻詔門所造益深庚午中式生平秉持袁了凡功過格跬步必謹不問外事惟藉授徒事畜以資生計歿時同里哀之

舒帷字董園九都屏山人咸豐己未補乙卯舉人精悍寡

黟縣四志

卷七

人物 文苑

三九

言笑雅慕方山子爲人粵匪亂時邑令仍勒取漁準鹽規衆商浼爲呈向曾帥剖陳准予撤任物望斯隆亂定襄復書院頗著勞勩曩與程錫嘏朱鏡蓉交悞蓉歿家中落帷實能維持其後人年逾五十尙復勸學求邑先輩精校文選前漢書讎對補讀不輟與胡朝賀爲同年因其齒高學懋嚴事之卒後崇祀淮軍昭忠祠孫元璋易名斯笏見科第

余兆元字辛伯城西人剛直有膽畧喜讀制度治道書不屑時藝困於場屋書法宗顏平原城隍廟庇民福邑額及聯乃其手筆然不多作捐職同知分浙差遺浙撫慕其書



屢求不應抑不予差粵匪入黟兆元與邑人朱鏡蓉葉承  
萱等練勇勦之又會汀漳龍道徐榮率軍收復建德縣江  
長貴鎮皖南奇其才聘爲行營文案不受獎敘

江維城字建宗二都江村人 咸豐己未補乙卯科舉人  
先曾授徒巖下後乃折節勸學就正於俞正禧程鴻詔從  
事練局多年能忍垢耐勞揀選知縣以醫自度族姪懋烈  
字駿聲師其術用濟貧乏爲人尤有肝膽可同患難以武  
功由監生階五品詳三志

許懋修字吉臣九都長寧里人遷居高祈祖芬父寶球皆  
見三志懋修道光丁酉拔貢敦篤勸學束躬如玉與何廷

黟縣四志

卷七

人物 文苑

三十

謙爲同年生廷謙督學江蘇曾襄校閱髫歲萃科父執俞  
正禧是科鄉榜懋修執禮愈虔歷荐不售晚乃銓選某某  
縣教諭月課精勤能得士心弟懋爽字厚人亦諸生馴謹  
不妄爲如其兄

何家俊字竹泉家璧字釀泉三都人家俊以縣試第一入  
學尊師重道當咸豐中寇連擾黟無寧日家璧從程鴻詔  
游時無考試勸學經古肆力詩章家璧爲王以寬婿又得  
程鴻詔教益所造益深旋亦入泮家俊延宿儒湯球誨其  
子宗敏暨姪等皆通諸經次子宗遜從球子作霖肄業碧  
陽書院乙酉優貢辛卯中順天鄉榜銓山西太原知縣從



軍獲保至知府宗敏見文苑宗遜見宦業

黃樹田字藍玉號蘭韻黃村人少失父劬學由因而通受知潘山長院課每冠曹輩旋以第一人入邑庠中式咸豐己未補行乙卯舉人六應禮部試凡六薦用景山教習期滿知縣於潮白河工敘勞選榮昌知縣長官齟齬之久不得履任抑鬱歿於蜀先是兵燹郡城陷休歎難民風雪走避黟樹田助施兩具并設粥廠以濟邑修三志樹田以母苦節撫其成立自認節孝一門與孫錫章同勤編校在京日得與海內名流文讌前江蘇署巡撫黃彭年時官翰院致書程鴻詔甚推許之著文詩若干卷子啟蓉乙酉選拔

黟縣四志

卷七

人物 文苑

三十一

分發湖南歷署綏寧湘潭各縣知縣四品銜贈朝議大夫論曰前清三朝負展督撫庇其私人或爲人擇官實缺者多難踐任又或前督撫甄敘擢補踵其後者故索高價以困之自愛之員甘自淪落而斯民卒不獲賢宰拊循焉蓋指不勝屈清社之屋此亦一端可爲長太息矣

汪福謙字益之本名學謙黃陂人邑諸生從族兄文臺學治經通古義勤學得心疾因妻告奪衣頂瘡後更名鄉薦不售絕科名之念就同學金華章倬標守閩泉州之聘爲援案貢入成均並贈明經額備述其生性和介邃經術工詞章廼抱劉蕡之恨晚年屏山舒稚禮聘至家課其子孫



壹以經學教授小學尤所注重著有四書異議十六卷善雅堂集若干卷及讀書須識字等書

胡光碩字遜膚號晏甫西川人辛酉選拔父夢齡見三志光碩敦篤勤慎劬學不懈能篆善畫重巒疊嶂生趣盎然從程鴻詔在安徽通志局爲分校盡其職不素餐長子騰聲亦工書少子騰達甲午科舉人循謹能文俱別有傳

葉克昌字秀階秀里人邑諸生父國襟見三志行狷力果道光末邑戶書聲氣宏通作弊殃民無能發其覆者克昌因村族事揭控其奸上游雷厲褫治士論快之咸豐中與何學海江南杰江維城等聯合團防多所補苴

黟縣四志

卷七

人物 文苑

三三

江有聲字珮華十二都人慕二都江有聲文行因命名焉歲貢生篤風誼與汪騫王家瑞寒酸交家瑞未仕前遭詞梟有聲盡力扶助迨瑞官成業盛凡親友無不借隙凶終以杜求報有聲與之周旋如昔而有不假蓋之風

葉效洛號書波南屏人拔貢見三志選舉長身赫面耆年鬚髮猶黑爲文閱博肆術與胡朝賀孫錫章齊名皆修月軒文社中之翹楚後選廣東博茂鹽場大使卒於官

葉效傳字作朋南屏人父承宣己見三志武畧邑庠生勤苦訓蒙循循善誘卓立不妄取

葉效璩字雲笙五都南屏人葉衡甫以字行六都坑下墘



人皆從吳錫年性皆高亢效璫亂後入學幕游江西鹽局有年戚誼通顯不屑干求衡甫不應試爲俞正禧孫女婿多讀古逸書抗其行輩所爲文均散失無可訪錄

余昌慶字祝祺城西人增生咸豐中綜練局有應變才其時四郊多壘主客軍過境及駐防者多不馴昌慶實能調燮籌措悉合機宜以功洊保教職晉知府銜知縣城中余程始祖本爲姍家嗣因小隙久不和協昌慶與程姓老成通達之人連姍訂交終其身數十年無毫髮覺襄復書院維持地方公務邑令每敬懼之賞識某姓子以爲偉器薦就耆儒學後果通籍而其家不以爲德或怨之不較也弟

黟縣四志

卷七

人物 文苑

三三

昌吉才亦幹濟有聲鵝湖姪聯璠諸生孝友有難能者汪洪字左泉三都人諸生髫齡熟羣經背誦爾疋入學規行矩步勤護祀會積累裕如爲諸祠冠辦團協防洊保教職官潁州府學正潁學東脯夙饒淇爲蠲其舊章之煩者士論翕然襄修邑志襄復書院子先甲諸生馴慎有父風亦熟羣經教授里閭光緒初元以孝廉方正應辟今言存古者每追惜之

汪漳字溥泉三都碧山人癸酉副貢先後誨徒於靄門書屋石乳亭畔文章縱恣有司評爲如天馬行空不受羈勒不虛也庚午己定中正榜前列次場違式主試惜之少受



業從兄浚浚嚴約束訓勉之以致成就如此其時有汪體源宏村人副貢年及艾耆而詞情娟逸學使祁公世長蒞徽嘉嘆之

程毓芳字珮蘭柏林人江維城高足弟子歲貢生善醫兼訓蒙循循誘導無疾言遽色從兄某字暢周諸生馴謹不妄爲

汪聯魁字占元黃陂人邑庠生胸懷濶達明季隱者汪勳十四世孫也工詩不慕榮利癖好山水有祖遺風春秋佳日常與同族汪浚汪信山諸名流遊唱和甚富

王以誠字信衷一字季真城東隅人附貢生潛心學問通

黟縣四志

卷七

人物 文苑

三四

經能文與兄以寬並爲前縣令王蔭森高足弟子年八十六癸巳恩科鄉試賜副榜年九十一丁酉科賜舉人生平教授生徒至老不倦造就多士崇實黜華昔年城中所稱友愛者三家曰程曰姚曰王王卽以寬以誠也子貽穀孫人傑皆縣學生曾孫恩濊北京法政學堂畢業

程士盈字畢名柏林人歲貢生與葉夢衢齊文名著有雙峯書屋課藝皆歷薦不售葉以醫終士盈夙讀律倚牘背爲生無溢出正軌之行

汪潤烈字偉卿宏村人歲貢鄉試七薦未售就職爲太湖教諭得士心太湖自遭粵匪後忠義節孝祠三位遺失悉



心考補錢督學嘉之以品端行粹學有淵源奏保特賞五品銜旋卒官先是在里授徒無貲者不取修脯循循善誘無疾言遽色敦飭不懈門下如盧琪皆獲雋所著有菜根香處詩草雜著待刊

胡寶書字味三橫岡人歲貢樸學教授門下士多知名善易傳其姪決疑甚驗與吳錫年汪登俊程尙椿等聯修月軒會文有聲於時子獻琛諸生有父風

吳錫年字引之號菖坪六都葉家灣人父廷傑見三志孝友錫年事母孝廩貢生就職訓導署理來安二次民貧地瘠以醫自給得士心前時與汪登俊程尙椿胡朝賀輩聯

黟縣四志

卷七

人物 文苑

三五

修月軒會文會中人多騰達者錫年兵燹中結團衛里閭與北鄉義民相嚮應賊夕焚石山一帶民居以遁錫年性亢直署學得代仍回授徒如葉效璈葉衡甫金殿祥更名慶慈悉有時名各詳本傳

舒曜華字文瀾號曉村屏山人歲貢生候選訓導爲舉人曜衢胞兄性孝友謹飭學問深純在族課授壹以經學爲根柢被其化者拾芹如芥鄉試不售遂絕意進取益致力於詩古文卒年七十所著詩文集藏於家

舒曜衢字思永屏山人舉人見三志科第幼勤敏家貧以舌耕自給爲文力爭上流一空依傍時流所尙之墨書不



屑寓目果以第八人中式厥後亦未入仕居家課讀以終  
許懋和字質人懋修從弟精熟文選弱齡以經古受知羅  
學使試題平仲君遷賦覆試題廉藺交驩冠其曹遇嗇訓  
徒兵間至賣卜爲活肄業敬敷書院又獲馬學使擊賞仿  
香山新樂府多可傳者著有集文選詩文二卷在山小草  
四卷弟懋績字纘人純樸亦能詩惜亡佚

程元超字卓山桂林人勤學訓徒皖城克復肄業敬敷書  
院屢列前茅同治丁卯中式會試薦而不售仍以課讀爲  
生性愛字畫得佳者雖處窘鄉或假貸典質以購之支祖  
本良明末副榜所箸多黍離之感元超寶藏罔失門下士

黟縣四志

卷七

人物 文苑

三六

以石埭方鏡本邑汪維駿汪汝升最知名子大誥諸生能  
文患痰疾所讀無一省記時論惜之

韓文耀字星垣奇聖人廩生父治平見三志質行傳幼孤  
事母孝咸豐中遭寇家貧力學不輟嘗糜豆爲資生計轉  
磨時口中背誦經史爲忘勞之助弟爲賊掠去文耀穿賊  
壘號哭尋覓賊不忍同掠但驅令歸卒以不得弟終身疚  
心立中子琅爲弟後旋以經學教授里中文名亦重一時  
晚尤好善買魚鱉之屬放生每晨起莊誦大上感應篇三  
過菜菜香書舍作十二月讀書樂詩以勸學者長子璫字  
叔玉廩生能繼父業亦以經學教授從遊者多知名事親



孝撫兩弟及妹成立爲完婚嫁與族耆集貲增立祀會村有義舉必竭力襄成

葉夢衢字鼎書號荷生南屏人增貢生捐職光祿寺署正少聰穎應童試輒列前茅文名藉甚挑入碧陽書院肄業鄉闈屢薦不售初教授鄉里旋游幕於江西之南昌新建鄱陽安仁等縣爲人倜儻有幹才工駢體文善八分書晚年兼精醫術著名於時

孫式榮字穀堂號稼軒古築人附貢生父廷燾見三志尙義家世業儒式榮尤好學過目輒能記憶爲文有奇氣工吟咏尤善談兵咸豐間粵氛擾皖贛曾文正駐軍祁門式榮上書言事有無忘九江之敗一語大爲文正激賞令部下鮑春霆軍門延聘入幕多所贊畫後以疾辭歸著有九葉吟香館吟草行世

汪斯偉字荔裳碧山人附貢生幼孤事母孝母歿棺殮盡禮停柩於本宅別室供奉如生爲人敏慧善行書工詩爲同族汪浚高弟嗣設館於村之遺經堂循循善誘率以實學爲宗族人有一因誤會而爭者立爲調解兩得其平不令與訟鄉鄰父老至今稱之

程錫書字森玉號松韻桂林人祖雲翔見三志錫書由縣學保訓導議敘郎中保道銜知府嚴取與曾文正派緒皖



南釐局由祁門移蕪湖與勒方錡吳坤修李興銳有編紵  
權旋以本省人回避謝事就安徽通志局分纂差竣改就  
滬廣方言館監督遷機器局提調陞補會辦總辦當爲監  
督時嚴束學生而隱施慈惠學生通顯者久而不忘後人  
實享其報云

程錫光字篤卿號竹溪桂林人增貢生訓導咸豐乙卯從  
父暨世父避地黟北預於義戰心思沈鷲熟律而本邑事  
不過問曾襄三志繕校從姪崇俊少慧能文乙亥舉人建  
平訓導並有譏述皆散失

程錫昌字壽卿號靜齋桂林人父尚适見質行錫昌資穎

黟縣四志

卷七

人物 文苑

三六

敏於文年十三皆畢羣經出應試受知前令謝永泰取列  
前茅十五補縣學生少游程朝儀門嗣執業於胡朝賀皆  
許爲達到文遵先正矩獲三膺鸚薦居鯨鄰邑顯官欲妻  
之以齊大非耦謝焉著有靜齋文稿

汪騫字丙翔號小槎城北箭亭里人恩貢生能篆隸精畫  
理父學樞見三志家不中人雖拯溺受酬然篤於世舊不  
以盛衰易度遇有殯葬途遠必走詣時論多之

黃輝瑞字輯五黃村人癸酉拔貢幼聰穎文思膽敏入邑  
庠後歲科試輒列優等歷任督學俱賞之癸酉科應選拔  
試並無必得之想竟能不期而遇惜獲選後未及朝考而



卒

胡德藩字介人號頑仙郭隅杏墩人性冲雅博覽羣經熟於國朝掌故與俞理初孫立人共修邑志而不居其名理初曾贊其像所著杏墩日鈔序載前志又著集全唐詩四卷程功爲之序家中富有藏書精鑒別遇名人眞蹟一見能辨眞僞購書畫者見有其藏印爭寶貴之

許琳字采芝號仲玉屏山人附貢生少孤事母孝第年幼友愛純篤品端學粹授徒鄉里數十年循循善誘門下士掇芹以去者不乏其人生平跬步必謹恪守先正純樸之風所著有采芝詩文集

黟縣四志

卷七

人物 文苑

三九

舒濟字泉遠九都屏山人同治庚午舉人就教選授懷甯學與黃銘新同官廉靜寡欲罷官後旅皖共和前回黟亂兵肆虐幾遭險陷子紹伊廩生捐知縣分河南歷任實缺葉霖字甘澤南屏人邑庠生爲人倜儻不羈好游山水超然遠俗能詩爲碧陽山長胡菊生所器許家貧苦學藏作之暇嘗獨游潯陽桃源以自適著有鴻泥詩草

胡立培字益滋城東人邑諸生敦謹篤學循循善誘持先正法程訓迪多所造就吳發煥張沆姚國儀皆出其門姪桂金能踵其行

江汝和字作梅石屏江村人優歲貢生訓導幼從程養吾



學守先正法試屢優等鄉闈十薦不售授徒於本村環溪書舍屏山舒村及雲峰書館從游者衆舒斯笏吳寶鑑祁門縣洪灝文謝起源等皆出其門或歷部曹或宰劇縣胥知名焉著有守真集及羣經集證諸書子肇成亦邑諸生

余良弼字十洲號石舟城西人增貢生父鴻見前志兄九人父歿時良弼齒稚從師苦讀抱先集避地奉母食貧劇孝假館蕭寺懸藁薦障風雨浸而授徒會友性耿直無阿比事除束修外一介不取讀先羣芳吟百餘首因物見志陳廣文之澍及本邑胡文郁姚國儀余攀榮胡樾均爲之序見雜志文錄又著有續羣芳吟續夢軒隨筆

黟縣四志

卷七

人物 文苑

四

余麗清字春泉雙溪人歲貢生國子監典籍銜候選訓導應督學試屢列前茅蚤經鄉薦先後聚講於環溪及曲水園從游甚衆游庠者數十人葉新第新元余元達最知名祁學使贈經明行修額著有黃山卽景詩一卷

江汝猷字宇功汝和從弟優附貢生博覽羣經爲文不蹈故常亦工詞章設教環溪家塾教人讀書敦行力矯浮薄是以門多醇士房薦堂備不售試壹等第一丁父艱不及敘補廩缺由附貢捐職訓導歷署青陽繁昌宿松廬州府等學著有韻松詩稿子光組亦邑庠生

吳發煥字炳章際村人諸生祖國楨見三志發煥課徒不



問外事與程錫光江慶成等同任三志繕校不受修脯又萬村韓金銘字緘三亦諸生文章秀逸歷薦不售從事安徽通志採訪兼繕寫之役勤學瘵卒

舒懷字莫仙屏山人附貢生幼好學詩文律極謹嚴嗣迨家計以儒兼賈精治生術家漸豐裕粵匪竄黟奉父避寇深山產業被遭幾盡亂平收合餘燼頓復舊觀凡修築橋梁掩埋枯骨諸善舉無不竭力爲之晚年手不釋卷子孫輩游庠食餼皆庭訓力也手批詩文甚夥藏於家子良玉良璧均列膠庠孫鴻騫邑廩生紫陽師範畢業曾任屏山啟蒙初等小學堂堂長

黟縣四志

卷七

人物 文苑

四十一

舒文鈺字式如屏山人增貢生幼而好學爲文以先正爲宗不屑屑於聲調之末獨於法理必求安適眼孔既高故不輕作鄉場薦而未售遂不復試惟日與諸子講求作文之法長子廷沆字芷芬考取膳錄卽選知縣得其沈實次子廷澧字澧芬得其高華己丑辛卯江南鄉試聯科中式舉人里黨榮之

孫彥博原名雁儀字題塔號嘯僊古築人乙亥舉人見科第大挑二等選授太湖縣訓導秉性嚴厲人不敢干以私居常手不釋卷得未見書覽必達旦丁父憂讀禮家居講學於五都西園專以經義訓人學宗鄭馬而無門戶之見



尤長於許氏說文早年曾充江南廣方言館漢文教習門下多知名士光緒甲午中東之役親渡臺條陳十餘事當事器之著有學古齋稿

胡騰聲字達文西川人歲貢生稟性純篤學問文章均能深探原本五都李宗媚禮聘師儒於家塾課其孫及族中貧乏子弟獨於達文加禮貌焉弟騰達字肅儀甲午舉人敏而好學從兄騰聲學故純篤如乃兄光緒甲午科江南鄉試以經學擅長中式第五名舉人嗣以攻苦太過年甫三十病卒人咸惜之

汪懋彝字秉初七都汪村人聰慧力學受知於督學祁篤

黟縣四志

卷七

人物 文苑

四三

藻邑庠冠首金殿祥次之稱得士焉歲試列一等有與言用費補廩者拒弗受碧陽山長吳紹正評其文筆簡潔月課屢占前茅詩賦頗有慧心文稿存有二千餘篇設教歐村從游者皆髫年入泮年三十患咯血卒士林惜之

葉同科字聚陶南屏人亦邑庠生家中人貲不得繼母權亦訓蒙兼究堪輿挽之履驗盡知以告無流俗陋習獲酬既微境益窘而操持狷介泰然處之

葉文藻字文遠南屏人歲貢生見選舉候選府經歷持躬端謹友于兄弟與其四兄燾尤親愛出入相隨終身同餐性嗜酒豪甚工舉子業歲科試屢列前茅然躋於鄉闈九



薦不售休甯楊陳復有詩贈之

汪元良字士愚黃陂人附貢生品行耿直詩文雅秀精書大字尤邁健曾就湖口丁軍門聘以親老旋善誘循循游庠者多維持祀會著有將就草堂詩集

邵愷字壽田原名培傑樅嶺人光緒壬午舉人性孝友早失怙恃祖產數萬金爲其兄所蕩盡家立困無怨言訓蒙於槐溪藉館穀以自給並周其兄中式後就職儒學補無爲州教諭日與該州生童講學論文一如訓蒙時州人士咸欽重之卒後門人皆咨嗟歎惜有泣下者其得士心如此所著詩文稿藏於家

黟縣四志

卷七

人物

文苑

四三

范揚芳字書圃江柏山人光緒甲午科進士見科第江蘇卽用知縣性孝友事父母皆能博其歡心親歿盡哀盡禮兄弟之間怡怡如也宅心仁厚樂善好施尙隱德雅不欲言幼習商於江西之貴谿嗣承父命改就舉子業入邑庠中光緒乙酉科舉人甲午成進士榜下以知縣用分發江蘇旋卽領憑赴蘇候補以疾卒於省垣厲次著有詩文集三卷古今文腋彙編八卷藏於家

胡麟瑞字卓峯西川人戊子舉人會典館謄錄幼失怙事母孝性情端謹經術湛深故爲文有經籍光不隨俗尙爲轉移閉戶讀書不與世事初就館於休甯旋歸里課徒爲



生以讀經爲諸生倡鄉試中式後及門益衆族人及其子承鄴遵其教舉於鄉者四人西川名師自朝賀後稱麟瑞焉設教數十年兼主婺源紫陽書院六年家計以裕少年體弱因善衛生故少疾病卒年七十三子承鄴丁酉舉人先卒孫葵湖北方言學堂畢業蒙藏院主事

何宗敏字友農三都何村人增貢生孩提嬉戲失足跌傷右手及內部右手竟廢身體發育不能如常人然性極穎慧迥非常人所及工書能文書用左手揮灑自如爲文風華典瞻碧院月課屢占前茅一赴鄉試而未售究以步履不便遂致絕意進取在家以授徒爲業門人頗衆所著文

黟縣四志

卷七

人物 文苑

四四

集藏於家弟宗遜見宦業

余翔麟字星輝號南園城西人歲貢生聰敏勤學童年入泮家故貧以訓蒙考課養親兄翔鳳不諧俗麟事之謹和洽無間食餼後十試高等三舉優行吳督學魯獎其文詩字可入玉堂之選應試詩文多選入兩皖校士錄紫陽書院課藝所著有叢桂草堂詩集四卷

江汝濟字荊舟號用楫石屏江村人附貢生耽嗜吟咏不尙聲華著有晚香廬詩鈔待梓

李穠字可園霞坦人父輝燭工詩著有味腴書屋詩集穠幼承庭訓出句驚人淮渠程國泰時館其村亟稱賞之長



客於湖北天門縣岳家口地爲明詩人譚元春鍾惺故里  
世稱竟陵派遺風未墜穠與其間騷人結社相唱和詩境  
益進湖南孝廉黃世崇以知縣司權其地刊葑江詩選採  
入甚夥兼工書畫有三絕之稱著有芸香小隱詩草  
程定保字明叔城中桂林人歲貢生鴻詔第三子壽保之  
季弟幼秉父兄教聰敏穎悟十一歲背誦周禮爾雅一字  
不差年十九以府試第一人入縣學歲科試屢列優等旋  
食餼鄉試屢薦不售爲文清華典瞻宅章安句妥帖易施  
後充碧陽高等小學堂堂長數年退職後益不得志悒鬱  
以終

黟縣四志

卷七

人物 文苑

四十五

王徵瑞字鶴書號竹坪豐溪人幼從黃銘新學由廩貢生  
中式光緒辛丑補庚子恩正併科舉人熟史漢督學徐按  
徽榜發見遺特示准與壹等覆試善真草堂兄家瑞所築  
預園及本村神廟額聯多出其手授徒之暇仍復勸學寒  
風襲肺病喘戊申考職京師以山西布庫大使候補擬措  
貲赴省乃積瘁旋卒士林惜之

汪維駿字躍羣石門下人副貢生直隸州州判性穎悟爲  
文風華典麗頗合時趨歲科試屢列優等光緒 科鄉  
試場後人皆決其必中榜發乃副車第一咸爲扼腕就職  
後不得志尋卒



孫賡虞字友稻號少葺古築人優附生爲文尙清真雅正  
工詩賦所著有微笑菴主吟草及賦學類腋善丹青篆刻  
稱名於時爲人沖和淡適無涯岸不事營利性孝友事從  
兄若同懷有足多者

胡殿元字冰笙西川人癸巳舉人性極穎悟善帖括之文  
專尙新奇而能不背書旨癸巳江南鄉試第一場次藝以  
何休公羊之說詰題中式舉人中年以疾卒

舒龍驤字筱軒邑庠生屏山人光祿寺卿銜候補道員之  
翼長子幼聰穎豁達勤學寡言笑爲文落落有奇氣書宗  
歐柳求書扇筴者案頭如織詩能自寫性靈生平尤好義

黟縣四志

卷七

人物 文苑

四六

赴試金陵途見羣句咽糠粃傾囊與之黃梅某落拓金陵  
慨任衣食助資斧試畢携歸順直水災量力捐輸嗣復益  
之爲母祈壽曾赴吉林投効忠靖公長順委任襄辦文案  
著有筱軒詩文稿若干卷藏於家

汪寶成字獻之號禾兌黃陂人邑庠生性穎異蚤失恃事  
父孝事兄嫂謹將外出習賈過南屏李宗耀見而器之留  
於家塾與其孫同讀聘名師教之並賞其家計宗耀家藏  
書頗富得以涉獵研究故時藝亦有根柢聲著庠序爲人  
飭品敦行鄉闈不售鬱鬱而夭父老惜之

范維翰字朝遴號喬濂江柏山人附貢生待詔銜父鴻漸



見前志維翰歲週失恃越三載父見背痛哭若成人事繼母如本生事乳母亦盡敬通經能文尤熟爾雅朱子小學訓蒙以小學爲宗令弟子躬行身踐造就頗多

韓紹祖字子述奇墅人幼失恃事繼母至孝讀書日數行下年十二隨父壽南客金陵肄業滙文書院習各國語言文字逾二年皖撫聶取入安徽高等中學甲班入堂肄業能以漢英互譯試輒冠曹侯官嚴復時爲監督極贊賞之五年畢業會考取選優貢時李經方使英派紹祖爲三等繙譯官捐職候選鹽大使以疾未行年二十卒妻胡氏殉節見列女立繼一子名桐蔭

黟縣四志

卷七

人物 文苑

四七

舒作雲字霖臣屏山人邑庠生幼喪母父商於湖北挈之往從學於富川書院年十九以第一人入縣庠維時興辦學堂湖北稱首旋畢業於兩湖師範學堂專心科學頗有心得富川重建新安會館極力提倡卒底於成所著有兩湖師範受課筆記

汪櫟字筱汀宏村人附貢生父潤烈官太湖教諭見宦業櫟隨父在任讀書學有淵源蜚聲庠序教子弟黜華崇實居鄉里排難解紛倡修支祠事必躬親他如鄉自治縣議會皆能實事求是精細過人凡遇地方公益之事勞怨不辭鄉人德之



孫應台號星如古築人邑庠生天資穎異自幼好學不倦  
謂帖括空疎獨喜實學研究史漢六朝及周秦諸子著有  
文選集腋由附貢報捐主事需次京曹後改官道員候補  
江蘇洎民國成立絕意仕進平居於書無所不讀見鄉賢  
著述有不克流傳者因竭力蒐羅刊爲古香閣叢書三都  
汪南士所輯七家後漢書刊版散佚爲之重加校讐同付  
剞劂於小學尤精金石文字辨別入微擅長篆籀之書  
湯英俊字新銘俞時英字華甫皆城北人幼俱從俞懋麟  
學熟四子及詩書兵亂罷讀時英先歸執業汪浚之門劬  
苦誦習人十已百二年遂入泮英俊見其得雋亦復讀亦  
入泮尤有氣誼能免友於誣陷

黟縣四志

卷七

人物 文苑

四六

葉德成字仙芝南屏人邑庠生好學純謹寡言笑慎交遊  
獨嗜丹青年至八十猶喜操筆在里居教授四十餘年不  
求聲望真善士也



武畧

李壯士佚其名一都鶴山人候選道李淦之同族也膂力絕人忠憤慷慨咸豐時粵匪寇黔有劇賊數輩至其村見壯士擬以刃壯士怒揮拳斃之餘賊來鬥又斃其二餘一賊欲逃壯士曰有一漏網歸而報信賊來復仇則我村無噍類矣復斃之俄而賊幟如林大隊且至壯士從容負四賊尸坎地置其中覆以稻稈不令賊見賊衆去後乃集而埋焉一時聞者見者莫不稱曰壯士壯士云

金殿鏞以字行考溪人武生成豐乙卯北鄉之戰與父肇元弟觀海頗著功績觀海力盡殉難奏旌如典殿鏞歷年隨同禦寇游保五品銜千總教授武技門下多獲雋者性爽直鄉黨是非折以片言兩造悅服終殿鏞之世考溪罕訟事立族祀會及村中公會規則完善同時有胡殿華蜀里人於乙卯五月首創義兵民得耕耨且有風誼與人交久而不渝

江廷琛字國燿二都江村人性孝友幼習武同治年間粵匪擾黔時有數匪竄集其家人皆逃匿廷獨不畏匪向索金銀頗加以刃挺身抗拒匪竟不敢前村人因此均未受害其年幼勇敢如此嗣貿易於潛山縣錢布業同治八年應武童試以第一名入府學十年得瘋疾卒繼子殿輝



舒之翼字習軒行四邑庠生屏山人之翰胞弟生而歧嶷負才畧同治間以候選同知赴甘投果勇公蔘圖善麾下十二年鎮番被圍檄往援剿城中兵不滿五百賊眾萬餘出奇兵勝之賊遁城獲全穆公嘉其勇器之保以知府用嗣屢以勞績保加鹽運使銜補缺後以道員用光緒五年簽分直隸歷充保定米廠天津守望局水利局粥廠及隨辦山陵諸要差均以稱職著天津之有水利局也先是忠王僧格林沁在鹹水沽葛沽屯田四千餘畝洎曾文正公李文忠公先後督直益擴其規惟築堤捍水引河諸務非知兵耐勞者不任李文忠公以之翼能舉以屬之於是自

黔縣四志

卷七

人物 武畧

三

霍家嘴疏濬支河鑿陳家溝經北塘入海築十里堤格淀隄醜大沽新河九十里上接減河復由減河分渠灌田自興農鎮以下引河六道順水勢因兵力體民情治成稻田六萬畝十一年辦理粥廠勸稽戶籍分區畫段計口授食亦以兵法部勒之飢民均沾實惠十二年委辦雲南轉運電料事宜瘴癘之區僚友勸阻不聽毅然遣妻孥歸隻身航海行至雲南寶甯果染瘴卒於差次贈光祿寺卿銜賞銀治葬葬靈柩回籍沿途地方官照料時論榮之子二長龍驤邑庠生見文苑次孝先原名龍標現任山東臨淄縣知事



林文臺字蘭亭漳溪人附生熟於黟之扼塞精研戰策咸豐間寇擾黟境漳嶺設防都司趙廷貴聘充文案歷爲畫扼要設防之策甚得其力後以巡檢分發湖北未仕歿余毓龍字躍池城西人附貢生幼聰敏弱冠入泮洪楊之亂湘軍駐黟掘壕防守侵及民間邱墓毓龍往見軍官曰斗大山城非賊注意黟東馬峰上可以防石太下可以援歛休失此不據一旦資賊城必不守軍官善其言止掘移營遂著戰功識者謂其言不特保全邱墓且深諳戎機焉子鍾俊邑庠生孫樹芳廩貢生試用訓導有文名

朱榮寵紫陽里人慷慨好施見義勇爲以海疆捐輸議叙

黟縣四志

卷七

人物武畧

三十一

八品咸豐五年嶺下之戰率團勇奮力爭先備受勤勞歸家而卒闔邑人民保全甚多



隱逸

李蓮塘五都埤上人與孫雲中表兄弟隱居訓蒙能爲邵康節打乖詩有吟風弄月之概

余汝濟字壽岩雙溪人監生應順天試薦而未售議敘縣丞工書法筆力遒勁學顏暹肖晚闢小齋額曰開益帷以栽花延賓吟詩飲酒適其志以終老焉

程煦字景和小字觀林古築人性豁達善詼諧好讀書而不屑功名故不試家無甌石晏如也常用土俗之語編爲歌謠自家人婦子尊卑長幼以至方外尼僧約數十首各肖其口吻以牖其愚蒙邑人爭相鈔錄婦孺尤喜傳誦感化之功至爲偉大光緒辛丑南屏自強齋主人曾爲梓行於世名曰勸世詞晚號詩顛子著有景和詩草

黃瑞蓮字少白黃村人父樹田兄啟蓉並以文學宦業顯瑞蓮性孤介工吟詠與桐城陳澹然侯官黃家爾彭澤高軒舉浮梁汪龍光同邑胡元吉相友善家貧以醫自給放浪山水尤愛匡廬之勝晚年廡居潯陽名其廬曰韓隱以見志焉著有韓隱廬詩集行世



藝術

藝者禮樂射御書數術者巫醫命卜今世既以六藝入於文學矣而四術之行其始皆由聖人爲之導左氏傳言卜與醫神驗固歷歷也孔子罕言命者以不與仁利並耳門弟子於篇末諄諄舉不知命爲戒胥欲誨人不可妄求非分而斯術得以不廢如狃於機祥則又非士君子之所取矣古之瞽者爲樂師今乃寄其心於命卜或驗或不驗雖學造淺深豈非造化之仁乎弈亦數也於以附之

李能謙字光瑞三都人祖文意見三志尙義父壽昌以醫傳謙謙又傳敬及子永泐能謙長於治溫及瘡瘍施珍藥

黟縣四志

卷七

人物 藝術

五十三

不牟利善養生晚得子皆承其學歛汪宗沂贈言見藝文程門又名增培字松生一號雪笠五都田段人幼聰慧工書善畫作行書隨意爲之有不衫不履游行自如之致畫尤精妙絕倫凡山水人物花卉以至蟲魚鳥獸兼擅其長其得力於唐宋元明及國初諸大名家者甚深故所請直到古人咸同時名噪大江南北賞鑒家得其片幅零縑什龔藏之杜工部所謂貴戚權門得筆迹始覺屏障生光輝傳世無疑子名言字次笠者工山水瀟灑出塵名盈字小松者工仕女風神昳麗各秉庭訓得其一藝之長均在江西景德鎮以畫磁資生所畫磁品迄今猶名貴也後桂林



人程士芬碧山人汪棣效法之亦有聲

黃士陵字穆甫黃村人德華次子習金石篆隸之學先後爲國子監祭酒盛煜湖北布政司梁鼎芬湖南巡撫吳大澂諸人鈎摹石經及石鼓文字於太學復經南皮張之洞延入廣雅書局益肆力於東西漢官私印章間以宋元人畫理諸新法對影爲沒骨花尤工緻名於世晚入鄂省存古學堂校補石經殘缺字其他爲名公卿是正金石文字不自名者甚多

論曰黟雖小邑代有傳人如李能謙之醫程門之畫黃士陵之篆刻皆能精詣入神登峯造極然其先蓋由於循序

黟縣四志

卷七

人物 藝術

五十四

漸進升堂入室而來殆不知幾經艱苦始克臻此豈眞有所謂天授者哉近年科學大昌教育有序順其途而深造之將必有各項專門人才聯翩接踵而興者

余之萊字侶仙七都人父國謹見質行工書善畫叢竹游滬具獲時名從事襄陽鹽局克殫厥職

姚嘉通字海鏞監生溪南人性直好義精岐黃術熟本草經脈訣宗景岳東垣法治症咸豐間隨湘營售診甚效得獎軍功六品

姚文昌字星武溪南人善畫山水人物疏密相間隨時寫景逼肖族姪孫成星字泰階從九品亦工山水墨蘭尤擅



長

胡承顥字景張朝賀長子邑諸生熟羣經善象陣棊法黜無對者知拳勇以逐惡僧遭傷遠卒

汪興昱字永生宏村人九品封職少孤事節母以孝聞性敏熟精岐黃內經難經神農本草參以仲景華佗方書施治又別出心裁不盡傍成法活人無算咸豐間應湘禮營聘爲官醫周前令憲章家屬久疾諸醫束手延興昱診治得效贈著手回春額傳子隆祥

汪毓金字石溪嶺下人監生兵馬司吏目因訐權要戍烏魯木齊父必琪咸豐乙卯陣亡得雲騎尉世職毓金係長

黟縣四志

卷七

人物 藝術

五十五

子應襲達部奏聞赦歸黟素善命卜設肆通衢有君平下簾讀易之風鄉人士每就詢塞外風土以資考證云

韓仁壽字靜存奇墅人通醫術尤精瘍科子毓蕃得其秘傳以瘍科世其業

葉德發字節之南屏人醫家葉香巖之子世守其業兢兢小心所診多應手工度曲喜垂釣卒年九十餘

余光宗字克敬雙溪人從九通醫術嘗謂診脈辨症須凝神靜氣細審寒熱之虛實自無誤投之藥卽無不愈之疾尤精外科凡危險各症藥施治無不應效人甚德之

汪大度字靜波石村人太學生少孤事母孝幼讀楷書勁



健萃英文社中崇教祠聯匾是其筆跡曾從軍門馬營得  
獎軍功五品

汪紹勳字鶴峯黃陂人候選廵檢愛尙風雅疎財仗義善  
丹青工設色花卉翎毛神氣飛動常從漕督楊殿邦游謂  
其能奪化工爲鉅公所愛賞冊幅莫不什襲而藏晚號將  
就主人長子元良附貢次子棣監生補用都司

程其萱字青圃桂林人縣學生工書兼能篆隸善繪事晚  
乃授徒爲活不妄取

李能敬字佑祥號啟悅能謙之弟碧山人州同職銜精醫  
遠近求診者踵相接活人無算如蕪湖道疾甚延治奏效

黟縣四志

卷七

人物 藝術

季六

甚速同邑程壽保在省得疾已遣急足邀之旣因病甚昇  
歸相遇貴池之田家樂能敬以牛黃設法灌下危疴頓愈  
均爲他醫所棘手能敬治之若無事焉程壽保贈以詩西  
遞胡朝賀贈以著手成春額

孫樹藻字昴和號漱荷古築人曾任當塗縣教諭精醫學  
洞曉脈訣以脈斷病不待詳述病況已若見垣一方踵門  
求治者交口稱其神效

孫茂蕃字荔南古築人邑增生詞令敏給工書法自鍾王  
以至顏柳歐蘇精心倣效斬合於古幾可亂真西南鄉祠  
宇匾額楹聯多茂蕃手筆數奇悒鬱以終



孫茂芳字芷青邑廩生茂蕃第也書法與兄相頡頏兼工繪事所摩名稿惟妙惟肖尤長於梅不落恒蹊曾游日本得觀異邦山水畫尤進鍊筆亦佳頗得其族先輩山江先生法意

葉峻華字仰卿南屏人廩貢生性淡泊好靜課蒙鄉里間不與世事善奕當時通邑無與對手卒年七十餘無嗣孫光祖字蔭生古築人捐職同知銜加一級穎悟能文有幹濟術弱冠後繼父大綱志商於江西饒州店務悉理時西洋鐘表內地尙稀鮮有識者光祖一見卽知其機括人咸異之善丹青工篆刻所著有鐘表圖解字拙軒印譜

黟縣四志

卷七

人物

藝術

五十七

方士恩字錫三厚善人歲貢生見選舉樂善好施排難解紛尤工醫學濟貧不取分文創本村同益藥舖精究藥料嘗謂經理者吾創此業以便人緩急勿貪利免損吾志生平著作詩集醫書若干卷存於家光緒甲午鄉試卒於南京試寓士論惜之

林承翰字友三漳溪人邑庠生精岐黃術在村訓蒙十餘年後遭粵寇廬舍被燬遷居石亭仍以舌耕兼醫自給所診多應手邑令屈承福有疾延治立愈奇之贈以精究方脈匾額

孫式元字冠英古築人邑廩生家貧力學精醫術游藝江



右有所施治輒奏其效用藥處方備案成帙光緒甲申景鎮水災悉被漂失知者惜之

孫美善字心如古築人待人忠厚律已端嚴父好施與合藥送人美善恪繼父志更研究瘍科精其術施藥診病四十餘年未嘗受病家一錢同族有患背癱者諸醫束手時美善年已八十手爲施治卒起沈疴

汪棣字友棠黃陂人監生補用都司體修偉爲人寡言笑好讀書矜節操尤長於畫光緒中東之役奮然請纓從征至閩以勞績得獎都司補用充灣邊角卡員嗣挾丹青遨遊南北珍其畫者多延而禮之子東鰲以商籍考取浙江

黟縣四志

卷七

人物 藝術

五八

高等警官

葉錫鬯字醴泉號味齋幼喜習董書滬上招考海內書家名列第三常佐葉太史步瀛幕中鈎稽學畫深得其力晚年以目疾卒鄉鄙惜之

許寶光字映璧城西人附貢生其族前有尙遠善書畫寶光初學顏坐位嗣乃變化其體骨力浸峻署所書每用晉齋鈐之

舒崇安字興周屏山人附貢生精於堪輿之學自楊曾廖賴以迄吳景鸞董德彰蔣中陽李德珍諸著述無不細心研究每日鷄鳴卽興書聲徹於遠近數十年如一日中年



以後專以履視名人所葬古墓爲事凡浙江江西等處著名之墳不憚跋涉親登其穴黟縣深巖幽谷峻嶺崇山足跡幾徧近年談青島之術者僉以興周稱首云  
論曰形家之學支離妄誕非儒者所屑談如舒崇安者好學深思艱苦卓絕若此倘移而施諸有用之學其傳名不更大哉雖然小道可觀亦卜氏子之所許也

林世楨字翼翔漳溪人附貢生生而孤母程氏遺腹所出奉母至孝長以訓蒙爲業旋隨其伯父承翰習醫頗具神悟著手成春伯父無嗣承其祧並爲殯葬如禮

朱懋麟字翊如號筱舫紫陽里人附貢生幼而穎慧讀書

黟縣四志

卷七

人物 藝術

五九

之暇兼工鐘鼎篆文摹仿古人維妙維肖鐵筆亦佳曾應上海點石齋之聘嗣以藝游幕江西晚年歸里抑鬱以終年六十五

何家璧字釀泉碧山人邑庠生幼穎異能作擘窠書出入顏柳長復肆力於漢八分臨摹史晨華山諸碑神接夢授先是爲其兄家俊真書陰隲文一通梓以傳世中歲客於涇縣朱氏嘗作汗漫游書益蒼勁逋峭見者謂爲得江山之助云間喜吟詠詩派雅近香山卒年六十餘子宗愈能承家學亦以分書擅名

何應勳字德輝何村人短身精悍善拳術得少林師法兼



精外科專治跌打損傷雖至骨折一經著手無不立效  
何興德字晉中何村人精星命地理之學設肆黟城其門  
如市壽逾八十步履猶健其弟興銓字晉明亦精星命地  
理並善占卜邑侯陳贈額曰志淑君平

何興巍字星彩精丹青於人物尤擅長且工寫真名公鉅  
卿均欲得其畫而藏之

何崇明字明谷駐江西景德鎮善畫瓷器人爭購之

何嘉誥字牧雲精歧黃術纂註醫書多種未肯輕付畝  
傳其方者恒珍之

程倬山水深得倪迂神趣有倚桂庭畫稿待刊